



**Sud Bosne i Hercegovine**  
**Суд Босне и Херцеговине**

---

Broj: Su-08-31/24

Datum: 09.02.2024. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14 i 59/22) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05, 60/11 i 25/17) na preporuku komisije za javne nabavke Suda Bosne i Hercegovine broj: Su-08-30/24 od 09.02.2024. godine u postupku javne nabavke kancelarijskog materijala – JRJN 22800000-8 (uredski materijal) donosim;

**ODLUKU**

o izboru najpovoljnijeg ponuđača za nabavku kancelarijskog materijala

**član 1.**

Prihvata se preporuka komisije za javne nabavke Suda Bosne i Hercegovine (u daljem tekstu: Komisija), broj: Su-08-30/24 od 09.02.2024. godine, te se Ugovor za javnu nabavku kancelarijskog materijala - oznaka i naziv iz JRJN: 22800000-8 (uredski materijal) dodjeljuje ponuđaču "ELKOM" d.o.o. Vitez, sa sjedištem na adresi Divijak bb, 72250 Vitez, sa ponudom broj: 5-1/24 od 29.01.2024. godine i nakon sprovedene e-aukcije za ponuđenu cijenu od **33.820,00 KM** bez PDV-a.

**član 2.**

Ugovor će se dostaviti na potpis izabranom ponuđaču "ELKOM" d.o.o. Vitez po proteku roka od 10 dana računajući od dana kada je ponuđač obavješten o izboru najpovoljnije ponude.

**član 3.**

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka broj: Su-08-04/24 od 12.01.2024. godine. Javna nabavka je provedena putem konkurentskog zahtjeva broj: Su-08-07/24, a ukupna procijenjena vrijednost javne nabavke kancelarijskog materijala je 35.000,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-1-2/24 od 12.01.2024. godine. Komisija je rukovodiocu ugovornog organa dostavila Zapisnik o pregledu i ocjeni ponude i prijedlog o izboru najpovoljnijeg ponuđača u postupku javne nabavke kancelarijskog materijala.

Komisija je blagovremeno i pravilno izvršila javno otvaranje ponuda dana 01.02.2024. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni ponuda te o tome sačinila odgovarajući zapisnik u kojima je utvrđeno slijedeće; da su blagovremeno pristigle tri (3) ponude ("ELKOM" d.o.o. Vitez, "DEFTER" d.o.o. Sarajevo i "GATARIĆ" d.o.o. Derventa), da nije bilo neblagovremeno zaprimljenih ponuda, i da su sve pristigle ponude ponuđača ocijenjene prihvatljive i u skladu sa tenderskom dokumentacijom.

Za ovaj postupak nabavke je predviđena e-aukcija. Sve prihvatljive ponude ("ELKOM" d.o.o. Vitez, "DEFTER" d.o.o. Sarajevo i "GATARIĆ" d.o.o. Derventa), su unesene na web portal javnih nabavki BiH radi zakazivanja e-aukcije. E-aukcija je počela dana 08.02.2024. godine u 14:00 sati, a završena je u 14:30 sati. U toku e-aukcije došlo je do podnošenja novih cijena (novih ponuda) od strane ponuđača. Nakon završetka e-aukcije sa web portala javnih nabavki BiH kreiran je izvještaj o toku i završetku e-aukcije (početna i konačna rang lista ponuđača) u kojoj je utvrđeno da je prvorangirana ponuda ponuđača "ELKOM" d.o.o. Vitez sa cijenom od 33.820,00 KM bez PDV-a, drugorangirana je ponuda ponuđača "DEFTER" d.o.o. Sarajevo sa cijenom od 33.825,08 KM bez PDV-a i trećerangirana je ponuda ponuđača "GATARIĆ" d.o.o. Derventa sa cijenom od 34.785,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač "ELKOM" d.o.o. Vitez izabran primjenjujući kriterij najniže cijene koja je ponuđena u iznosu od **33.820,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

Ja, potpisnik, potvrđujem da je predmetni akt u potpunosti usklađen s važećim zakonskim, podzakonskim i internim aktima nadležna i izvršavajući.

Polpis: 

